

# INUIT ATAQATIGIIT

## INATSISARTUNI



Nuuk, 17. juni 2015

Inatsisartut suleriaasianni § 37 naapertorlugu paasissutissanut inatsisitigullu isumannaatsuunermt tunngasunik Naalakkersuisunut imaattunik apeqquteqarpunga: (Inatsisartuni Aaja Chemnitz Larsen, Inuit Ataqatigiit)

### Apeqqutit:

1. Namminerisamik inuuneqarnerup illersorneqarnissaanut inatsisip unioqqutinneqarnerani siunissami pisortat pineqaatissinneqarsinnaassannginnerannut apeqqut Naalakkersuisut oqaaseqaatitaqanngitsumik Danmarkimi Justitsministeriamut ingerlateqqissimavaa. Taamaattumillu una apeqqutigeqqillara: Inatsisip unioqqutinneqarneratigut pisortat pineqaatissinneqarsinnaannginnerannut **Naalakkersuisut** qanoq isumaqarpat?
2. Sooq Datatilsyni Kalaallit Nunaanni pissusissamisuunngitsumik kukkusumilluunniit pisoqartillugu Inatsisartunut nalunaaruteqartassanngila?
3. Kalaallit Nunaanni inunnut ataasiakkaanut paasissutissanut inatsisinnngortussami Naalakkersuisut allannguuteqartitsisinnaappat, tassa pisortat inatsimmik unioqqutitsineranni pineqaatissinneqarsinnaasoq suli atuuttussanngorlugu?
4. Paasissutissanut inatsisitigullu isumannaatsuunissamut siullermik apeqqutigeriikkakka akillugit Danmarkimi justitsministeria innersuutigineqarpoq. Aalajangersakkami Kalaallit Nunaat maannakkumiit ajornerusumik inissisimalissappat taava aalajangersagaq ima allanngortinneqarsinnaassava pineqaatissinneqarsinnaaneq pigiinnarneqarluni?
5. Namminerisamik inuuneqarnerup illersorneqarnissaanut suliassa qarfiup angerlaannissaanut atatillugu Savalimmiormiut namminerisamik inatsiseqarnerattut pinnginnissamut Naalakkersuisut pitsaasunik tunngavilersuutissaqarpat?

### Tunngavilersuut:

Paasissutissanut inatsisitigullu isumannaatsuunissamut apeqquteqaatigisimasakka pillugit (ap. 148) Naalakkersuisut Justitsministeria apereqqaassagaat innersuutigineqarpoq. Apeqqutinnili Naalakkersuisut apeqqummut qanoq isumaqarnerat apeqqutigivara.

Danmarkimi Justitsministeriamit Nalunaarsuutitut inatsisip unitsinneqarnissaanut aalajangiussaq Naalakkersuisuniit isumaqatigineqarsimavoq, taarsiullugu Paasissutissanut inunnut tunngasunut inatsimmik ikaarsaariartoqassalluni. Kunngip peqqussutaa naapertorlugu pisortat inatsimmik unioqqutitsinermikkut pineqaatissinneqarsinnaassanngillat. Inatsit maanna atuuttoq naapertorlugu Pisortat Nalunaarsuutaannut inatsit naapertorlugu oqartussat pisortatigoortut nalunaarsuutaat Datatilsynimit atuutilinnginnerminni akuersissutigineqartassapput. Suliassa qarfik taanna ullumikkut atugarliorfiuvoq,

Datatilsynillu nalunaarutigisimavaa peqqussut atuutilersinnagu Pisortat  
Nalunaarsuutaannut suliasat tunniunneqartut suliarineqarsinnaanngikkallartut.

Nalunaarsuutitut inatsimmut Paasissutissanullu inunnt tunngasunut inatsimmut  
tunngatillugit itisiliisunik malittarisassiornissani inunnt paasissutissatigut  
isumannaatsuunissap sukumiisumik aaqqissugaanissaanik peqassaaq. Justitsministeriap  
imaqarniliaani allassimavoq pisanut danskiusunut (Persondatalovens § 65)  
ukiumoortumik Folketingimut nalunaaruteqarnissamut aalajangersagaq peersimasoq.  
Taanna nunatsinni pissusissamisuunngitsunut nakkutilliinernullu tunngatillugu  
ukiumoortumik Inatsisartunut nalunaaruteqartarnissamik taarteqaannassagaluarpoq.

Pisortat uagutsinnut qanoq pissusilersornissaannut inatsiseqarpugut. Danmarkimi  
Datatilsynikkut inatsisip tamatuma malinneqarnissaanik qulakkeerinnissimassagaluarput.  
Tilsynip taassuma pisortat nalunaarsuutaat inunnt paasissutissartallit tamaasa  
akuerisimassagaluarpai. Inatsit taanna naapertorlugu unioqqutitsinerit tamarmik  
pineqaatissiissutaasinnaapput.

Apeqqutima ullut suliffiusut qulit iluanni akineqarnissaat kissaatigivara.